

23. mars 2007



## Unnur Birna Vilhjálmstöðvör

Afþakkaði dómarastarf í keppninni um Herra Heim sem fram fer í Kína í lok mánaðarins vegna anna í náminu í Háskólanum í Reykjavík. **BLS. 2**



## Ættleiddir gimsteinar

Fjölmargir Íslendingar hafa ættleitt börn frá fjarlægum löndum. Sirkus ræddi við fjórar fjölskyldur sem eru allar sammála um að biðin eftir barninu hafi verið vel þess virði. **BLS. 6**



# ÞAÐ GETA ALLIR UNNIÐ

Fjögurra liða úrslit í X-Factor í kvöld  
**VIÐTÖL BLS. 8**

## Hlaðnir gemsar



Með Nokia og Sony-Ericsson sínum frá Simabæ fylgir handbók á íslensku. Notendaviðmót er í öllum tilfellum íslenskt.

Kr. 3.995.-  
Nokia 1112



Kr. 9.995.-  
Nokia 2626



Kr. 22.995.-  
Nokia 6131



Kr. 29.995.-  
Sony-Ericsson 2550i



Kr. 15.995.-  
Sony-Ericsson 2310i



Simabær - Síðumúli 31 - Reykjavík - 533-2700 - [www.simabaer.is](http://www.simabaer.is)



# fréttir

## ■ Heyrst hefur



### Habitat-hjón á leið til Danmerkur

Heimildir Sirkuss herma að Habitat-hjónin **Ingibjörg Þorvaldsdóttir** og **Jón Arnar Guðbrandsson** hafi sett glæsilegt einbýlishús sitt í Eikarási í Garðabæ á sölu og hyggist jafnvel bregða búi. Þau reka nú fimm Oasis-verslanir í Danmörku og munu vera að skoða þann möguleika að flytja til Kaupmanna-



hafnar. Ingibjörg og Jón Arnar keyptu húsið af athafnamanninum Engilberti Runólfssyni og vilja að sögn fá 170 milljónir fyrir það. Þau eiga einnig íbúð á Laugavegi sem verður væntanlega notuð sem athvarf á Íslandi verði af flutningum þeirra til Danmerkur. Ingibjörg vildi hvorki neita né jata neinu um mögulegan flutning – sagði það einfaldlega ótímabært að tjá sig um slíkt þegar Sirkus ræddi við hana.



### 45 milljóna króna Aston Martin á ársþáttíð

Kaupthing hélt ársþáttíð sína í Laugardalshöllinni um síðustu helgi og var engu til að sparað til að gera hana eins veglega og kostur var. Þema kvöldsins var Eurovision og voru allar helstu Eurovision-stjörnur Íslands dregnar á flöt þetta kvöld eins og tíundað hefur verið í fjölmiðlum ásamt hinum dönsku Olsenbræðrum. Stjarna kvöldsins var þó glæsikerra af gerðinni Aston Martin Vanquish S sem stóð á miðju gólfi hallarinnar. Bíllinn, sem kostar 45 milljónir og er flaggskip Aston Martin, var fluttur sérstaklega inn frá Bretlandi fyrir ársþáttíðina og gátu starfsmenn bankans látið mynda sig við bílinn. Fjölmargir gerðu það enda komast fæstir í tæri við slíkan bíl nema einu sinni á ævinni.

### Umboðsmaður Íslands á tímamótum

**Einar Bárðarson**, hinn geðþekki X-Factor-dómari og umboðsmaður, varð 35 ára 18. mars síðastliðinn. Hann hyggst fagna þessum tímamótum og mun veisla fara fram í Smáralindinni, nánar tiltekið í X-Factor-salnum, á morgun, laugardagskvöld. Ljóst er að salurinn mun verða

troðfullur enda maður eins og Einar afar vinmargur. Ljóst er líka að skemmtiatriðin verða ekki af verri endanum enda eru flestir bestu popparar landsins annaðhvort skjól-stæðingar Einaris eða nánir vinir.



MINNINGARNAR HELLTUST YFIR **Unnur Birna** kom einu sinni til Sanya á síðasta ári og lifði upp aftur stundina þegar hún var valin **fegursta kona heims**.

## UNNUR BIRNA VILHJÁLMSDÓTTIR DÆMIR EKKI Í HERRA HEIMI Í KÍNA

# AFÞAKKAÐI DÓMARA-STARFIÐ VEGNA ANNA

**J**ú, það er rétt að ég hef afþakkað boð um að vera dómari í keppninni," segir fegurðardrottningin Unnur Birna Vilhjálmsdóttir í samtali við Sirkus spurð út í fjarveru hennar í dómnefndinni þegar Herra heimur 2007 verður krýndur í Kína 31. mars næstkomandi. Keppnin fer fram í borginni Sanya á eyjunni Hainan, á nákvæmlega sama stað og Unnur Birna var kjörin Ungfrú heimur í desember 2005. „Það hefði auðvitað verið frábært að fara þarna og rifja upp minningar en því miður verður ekki af því. Skipuleggjendurnir vildu fá mig út tveimur vikum fyrir keppnina til að fylgjast með alls kyns undankeppnum og hitta keppendurna en ég varð að segja nei. Með ferðalögum hefði þetta tekið tæpar þrjár vikur og svo langan tíma get ég hreinlega ekki misst úr skólanum.

Það styttest í próf og þetta er spurning um forgangsroðun. Núna er skólinn númer eitt hjá mér," segir Unnur Birna en hún stundar nám í lögfræði við Háskólann í Reykjavík. Unnur Birna kom einu sinni til

Sanya árið sem hún var alheimsfegurðardrottning og segir að í þeirri heimsókn hafi minningarnar frá krýningunni hellst yfir hana.

„Ég vona bara að mér verði boðið að dæma næst þegar Ungfrú heimur verður krýnd. Ég veit ekki hvar það verður en þeir þrjár staðir sem nefndir hafa verið eru Pólland, Ástralía og Bandaríkin," segir Unnur Birna.

Jón Gunnlaugur Viggósson tekur þátt í keppninni um Herra heim að þessu sinni og hann fer því miður á mis við að hafa Unni Birnu í dómnefndinni. Því hefur verið haldið fram að Linda Pétursdóttir, sem var kjörin Ungfrú heimur árið 1988, verði í dómnefndinni í Kína en það hefur ekki fengist staðfest.

oskar@frettabladid.is

**MARGREYNDUR DÓMARI Linda Pétursdóttir** hefur margoft dæmt í hinum ýmsu fegurðar-samkeppnum en leiddar eru líkur að því að hún verði í dómnefndinni.



**ENGIN UNNUR BIRNA** Jón Gunnlaugur Viggósson, Herra Ísland 2006, er meðal þátttakenda í Kína og nýtur ekki stuðnings Unnar Birnu í dómnefndinni.

## Hefur ekki tíma til að sprauta **GULA HUMMERINN**

**G**uli Hummerinn hans Geira á Goldfinger hefur skipt um eigendur. Það var Fjárfestingafélagið Klif sem keypti bílinn á 25 milljónir króna en það hyggst áfram gera bílinn út en öðruvísi á litinn.

„Það er rétt að við höfum keypt bílinn og gerum hann út. Það er alveg brjáláð að gera og við höfum ekki einu sinni haft tíma til að sprauta hann svartan eins og stefnan er," segir Baldvin Arnar Samúelsson, einn eigenda Klifs, í samtali við Sirkus.

„Bíllinn er bara uppþökkaður út í eitt og þetta er eiginlega alveg ótrúlegt. Við hefðum aldrei trúað þessu. Þetta er klárlega gott viðskiptadæmi eins og byrjunin hefur verið," segir Baldvin Arnar kátur og hress með nýja bílinn.

Hann segir allan gang á því hvers konar fólk tekur bílinn á leigu.

„Það eru allar stéttir og allur aldur. Svona standard á bíl þekkist ekki hér og ég vil nú meina að það sé frekar ódýrt að leigja þennan bíl. Það kostar 30 þúsund að leigja þennan bíl í klukkutíma og miðað við að það komast sautján manns inn í bílinn þá er það ekki mikið dýrara en leigubíll niður í bæ," segir Baldvin Arnar og bætir við að bíllinn sé ekki drykkju-staður heldur sé hann eingöngu tæki til að komast á milli áfangastaða og hafa gaman á meðan. „Það er ekki áfengisleyfi í þessum bíl og ef menn vilja vera fullir og rúnta um þá ráðlegg ég þeim hinu sömu að fara niður á BSI og kaupa sér far með rútu."



VINSÆLL Guli Hummerinn er engum líkur.



**GOTT VIÐSKIPTADÆMI Baldvin Arnar**, einn eigenda gula Hummersins, er afar ánægður með rekstur bílsins sem er uppþökkaður nokkuð fram í tímann. SÍRKUSMYND/GVA



Canon

DIGITAL  
IXUS

## Ixus 900Ti

Ný viðmið

**Canon Ixus 900 Ti** er frábær samsetning af tækni og glæsilegri hönnun. Vélin er úr títaním, með 10 megapíxla upplausn og Face Detection tækni sem hjálpar þér að taka bestu andlitsmyndirnar.

10 megapíxlar.

DIGIC III örgjörvi bætir myndgæði og eykur hraða.

3x "optical" aðdráttur.

2.5" LCD skjár.

ISO 1600 fyrir fluss-lausa myndatöku innandyrna.

Touch Control Dial er ný tækni sem auðveldar aðgang

að lykil stjórn tækjum vélarinnar.

18 tókustillingar auk XGA vídeómynda.

Enn betri stafrænn aðdráttur með Safety Zoom.

**Verð 54.900 kr.**



Söluaðilar um land allt

[www.nyherji.is/canon](http://www.nyherji.is/canon)



## fréttir

MAGNÚS ÁRMANN OG ÞORSTEINN M. JÓNSSON BÆTA Í BÍLAFLOTANN Á ÍSLANDI

# Keyptu 33 milljóna króna glæsikeru

## ■ Heyrst hefur

### Völli fær verðlaun í Kína

Sjónvarpskokkurinn **Vöundur Snær Völundarson** heldur til Kína í apríl til að taka á móti verðlaunum fyrir bók sína *Delicious Iceland* en auk verðlaunanna er Völli tilnefndur í mörgum öðrum flokkum. Um mikinn heiður er að ræða þar sem umrædd bókaverðlaun eru kölluð „Óskarsverðlaun kokka- og vinnbóka“. Völli og eiginkona hans, Þóra Sigurðardóttir, búa á Bahamaseyjum þar sem þau undirbúa opnun þriggja veitingastaða.

### Nóg að gera hjá Jógvan

Það getur verið gott fyrir rekstur nýrrar hárgreiðslustofu að einn af eigendum hennar sé orðinn þjóðþekktur maður. Upp á það skrifa væntanlega meðeigendur Færeyingsins **Jógvan Hansen** að hárgreiðslustofunni Unique Hár og Spa í Borgartúninu. Jógvan hefur slegið í gegn í X-Faktor-þáttunum og segir sagan að viðskiptavinum stofunnar hafi fjölgað verulega, þá sérstaklega kvenkyns sem vilja berja færeyenska folann, eins og hann er kallaður, augum.



**G**lökkir vegfarendur í umferðinni í Reykjavík hafa undanfarna daga tekið eftir sérlega glæsilegri Benz-bifreið sem brunað hefur um götur bæjarins. Bíllinn, sem er svartur að lit, var fluttur inn frá Þýskalandi í síðustu viku og er í eigu fjárfestingafélagsins Materia Invest sem á meðal annars tæplega 9% hlut í FL Group. Það eru athafnamennirnir, vinirnir og nágrennarnir á Laufásveginum, Magnús Ármann og Þorsteinn M. Jónsson, sem eiga það félag með breska kaupþýslumanninum Kevin Stanford. Heimildir Sirkus herma að glæsikeran hafi kostað 33 milljónir en það var Askja sem flutti bíllinn inn.

Eins og Sirkus greindi frá fyrir nokkrum vikum hefur það færst í vöxt hjá íslensku milljarðamæringum að þeir hafi einkabíl og bílstjóra til taks í borginni og eru þeir Magnús, Þorsteinn og Kevin engin undantekning. Þeir voru áður með Audi A8 bifreið sem var sett upp í Benzinn. Bíllinn er notaður í hin ýmsu viðvik, allt frá því að keyra og sækja athafnamennina út á flugvöll til þess að skjótast með börn þeirra á leikskóla.

Benzinn er ekkert slor. Hann er af gerðinni S 65 AMG og er um 15 sentimetrum lengri en hin venjulega útgáfa. Og þeir félagar ættu ekki að verða seinir á fundi því vélaraflið telur 604 hestöfl sem gerir bíllinn að einum þeim öflugasta á götum bæjarins. Heimildir Sirkus herma að allir mögulegir og ómögulegir aukahlutir hafi verið hnyttir við bíllinn.

Sömu heimildir herma að ekki líði á löngu þar til Baugur Group muni hafa yfir að ráða eins bíl. Það kemur kannski ekki svo á óvart því Jón Ásgeir Jóhannesson, forstjóri Baugs og stjórnarformaður 365, sem gefur meðal annars út Fréttablaðið, er mikill vinur þremminganna í Materia.

oskar@frettabladid.is



Á FLOTTUM BENZ það er óhætt að segja það muni ekki væsa um þá félagar Magnús Ármann og Þorstein M. Jónsson í glæsivagninum sem þeir keyptu fyrir nokkrum dögum. Jón Ásgeir Jóhannesson er þegar búinn að panta einn Benz fyrir Baug Group.

## G-STAR RAW

### REYKJAVÍK STORE

LAUGAVEGI 86-94, S: 511-2007

Alltaf eitthvað spennandi að sjá..

Opið í dag  
föstudag 11.00- 18.30,  
laugardaga til 17.00.

200 bílastæði  
í kjallara hússins.



alltaf eitthvað nýtt [www.mubla.is](http://www.mubla.is)

mubla

nýbýlavegi 18 | s. 517 2100

50 tegundir af sófum



alltaf eitthvað nýtt [www.mubla.is](http://www.mubla.is)



ÆTTLEIÐINGARFERLIÐ ER LANGT OG FLÓKIÐ. SIRKUS RÆDDI VIÐ FJÓRAR FJÖLSKYLDUR SEM ÆTTLEITT HAFA BÖRN FRÁ ÓKUNNU LANDI OG SEGJA BIÐINA SANNARLEGA HAFA VERIÐ ÞESS VIRÐI.

# ÆTTLEIÐDIR GIMSTEINAR

## Löng og öðruvísi meðganga

„Við vorum búin að biða eftir henni í tæp tvö ár,“ segir Þórunn Herdís Hinriksdóttir en hún og eiginnmaður hennar Gunnar Bender sóttu litla stelpu til Kína í byrjun desember 2004. Litla dóttirin hefur fengið nafnið Ingibjörg Anja Baixue Bender og er 3 og hálf árs skvísá sem gengur í leikskóla heima á Akranesi. Nafnið Baixue var kínverska nafnið hennar sem foreldrar hennar völdu að halda í en nafnið þýðir hvítur snjór eða Mjallhvít og passar því vel á litla stelpu á Íslandi. Mamma hennar segir ferðalagið til Kína hafa verið algjört ævintýri. „Þetta var stórkostleg upplifun og það var rosaalega skemmtilegt og gaman að sjá þetta framandi land,“ segir hún og bætir við að um langa og öðruvísi meðgöngu hafi verið að ræða. „Þetta var allt öðruvísi lífsreynsla en tilfinningin að fá hana í fangið var sú sama og fá barn í fangið eftir venjulega meðgöngu,“ segir Þórunn en Ingibjörg Anja á eldri bróðir. „Hún var alveg stjórf fyrstu dagana og hleypti okkur ekki strax að sér en eftir fjóra daga kom þetta.“ Þórunn og Gunnar dvöldu í Kína í 17 daga og komu heim með dótturina rétt fyrir jólin sem urðu heldur betur ógleymanleg. „Þetta var æðislegur tími og stórkostleg jólagjöt.“



FJÖLSKYLDAN Þórunn Herdís, Gunnar Bender og börnin Ingibjörg Anja Baixue og Andri Freyr.



SÆTAR SYSTUR Myndin er tekin úti í Kína daginn eftir að þau fengu Herdís í fangið.

## Halda í gamla menningararfinn

„Við fórum og sóttum eldri stelpuna okkar í nóvember 2003,“ segir Gíslína V. Ólafsdóttir en hún og eiginnmaður hennar, Friðjón Guðjohnsen, hafa ættleitt tvær stelpur frá Kína. Elly Rún Hong er rúmlega fjögurra ára en yngri dóttirin, Herdís Heiða sem sótt var af foreldrum sínum um síðustu júl, er tæplega 17 mánaða. Gíslína segir að ferlið hafi reynst þeim foreldrunum auðveldara í annað skiptið. „Í fyrra skiptið var þetta svona meira eins og vera kastad út í djúpu laugina enda var ekki komin svo mikil reynsla á Kína á þeim tíma. Við vorum samt heppin að hafa þekkt fólk sem hafði farið og fengið upplýsingar hjá þeim,“ segir Gíslína sem mælir eindregið með að væntanlegir foreldrar leiti til þeirra sem þekki ferlið áður en haldið er af stað. Aðspurð segir Gíslína að Elly

Rún Hong sé afar ánægð með yngri systurina. „Við höfðum búið okkur undir afbrýðisemi af hennar hálfu en hún dýrkar hana alveg og þær eru mjög góðar saman,“ segir hún en Elly Rún fékk að fara með til Kína að sækja litlu systur. Gíslína og Friðjón eru ákveðin í að hjálpa systrunum að kynna gamla menningararfinn og gamla landinu. „Elly Rún var ofsalega ánægð með ferðina til Kína og við stefnum á að fara út með þær áður en þær verða unglingar og leyfa þeim að kynna landinu og upplifa það á meðan þær eru enn börn,“ segir hún. Hvort þau hjónin ætli sér að stækka fjölskylduna enn frekar segir Gíslína það ekki á planinu. „Það verður þá slysabarn,“ segir hún hlæjandi og bætir við að það væri þá ekki nema umsókn slysaðist inn til Íslenskrar ættleiðingar.

## Varð óvænt ófrísk

„Við fengum Lovísu Lín í fangið 1. mars 2004,“ segir Lilja Ólafardóttir en hún og eiginnmaður hennar, Trausti Ægisson, ættleiddu Lovísu Lín frá Kína. Lilja segir að Lovísu hafi brugðið mikið þegar hún hitti foreldra sína í fyrsta skiptið. „Hún var alveg lömuð þegar ég fékk hana í fangið og sýndi engin viðbrögð. Þegar við komum á hótelið greip hún fastataki í pabba sinn og vildi ekki sjá mig. Við höfðum búið okkur undir að hún myndi taka öðru okkar en ég held að við höfum bæði haldið að hún myndi velja mig,“ segir Lilja og bætir við að tíminn þangað til dóttirin tók hana í sátt hafi verið henni afar erfiður. Hjónin sendu fljótlega út aðra umsókn en tveimur mánuðum seinna kom í ljós að Lilja var ófrísk. „Við hefðum átt að fara út um síðustu júl en þar sem ég varð óvænt ófrísk frestaðist ferðin,“ segir Lilja og bætir við að um tíma hafi litlið út sem hún yrði á fæðingar-



STÆKKANDI FJÖLSKYLDA Lilja og Trausti eru að biða eftir dóttur frá Kína.

deildinni á meðan Trausti færi út. „Við hefðum haldið okkar striki ef okkur hefði verið leyft það, jafnvel þó ég hefði misst af ferðinni. Kínversk yfirvöld settu ættleiðinguna á frest því samkvæmt nýjum reglum sem taka gildi 1. maí þarf yngsta barn í fjölskyldu að vera árgamalt þegar sótt er um að ættleiða. Við lentum í millibilsástandi og þeir settu þá reglu fyrir

okkur að við yrðum að setja umsóknina á bið þar til yngri dóttirin, Matthildur Inga, yrði 8 mánaða. Þetta er hins vegar það mikil fjölskyldustund og okkur myndi aldrei detta í hug að fara til Kína án stelpnanna. Þrátt fyrir að nýja barnið þurfi mikla athygli þá eru það ekki bara hjónin sem eignast nýtt barn heldur er öll fjölskyldan að eignast nýjan fjölskyldumeðlim.“

## Sneri baki við mömmu sinni

„Hópurinn sem fór út saman hefur haldið góðu sambandi og við hittumst að minnsta kosti einu sinni í mánuði og borðum saman grjóna-graut,“ segir Sigurrós Ingimarsdóttir en hún og eiginnmaður hennar, Jóhann Sigurðsson, ættleiddu litla stelpu frá Kína í lok ársins 2004. Litla dóttirin heitir Guðný Sigurrós og er þriggja og hálf árs í dag. Mamma

hennar segir að það hafi verið afar sérstök upplifun að eignast barn á þennan hátt en Sigurrós og Jóhann eiga 18 ára dóttur fyrir. „Þetta var mjög sérstakt en hópurinn hafði kynnst áður en lagt var af stað svo það var gott að hafa stuðninginn hjá þeim sem voru að ganga í gegnum það sama,“ segir Sigurrós og bætir við að Guðnýju Sigurrós hafi brugðið

mikið þegar hún kom fyrst í fang foreldra sinna. „Þegar við fengum hana komu nokkur tár en svo var hún bara frosin. Á hótelinu fór hún aðeins að hlæja en augun voru tóm. Daginn eftir sneri hún svo alveg baki við mömmu sinni en ákvað að þarna væri hún komin með góðan pabba og leit aðeins við honum fyrstu vikuna. Ég fékk að gefa henni að borða ef hún sat í fanginu á honum og gat tekið hana upp í til mín þegar hún var sofnuð. Að lokum breiddi hún út fadiminn en það tók hana langan tíma að taka mig í sátt. Hún var og hefur alltaf verið mikil pabbastelpa en tekur okkur jafnt í dag.“ Sigurrós og Jóhann eru komin á biðlista eftir öðru barni frá Kína og vonast til að komast út eftir eitt ár. „Við sáum eftir að hafa ekki tekið eldri stelpuna með í fyrra skiptið. Hún á sjálf von á barni núna þannig að óvíst er hvort hún kemur með í næsta skipti, tíminn leiðir það í ljós en Guðný Sigurrós kemur alveg pottþétt með okkur.“



PABBASTELPA Guðný Sigurrós hefur alltaf verið mikil pabbastelpa en sættist við mömmu sína fljótlega eftir að þær hittust.





Hilla kr. 193.000



Skápur kr. 245.000



Borð kr. 166.500 (aður 208.000)



Skápur kr. 199.000

Skápur kr. 187.000



Skápur kr. 199.000



Sófi kr. 85.000 (aður 142.000)



Borð kr. 37.000 (aður 46.000)



Borð kr. 39.000 (aður kr. 56.000)



Borð kr. 39.000 (aður kr. 62.000)



Borð kr. 56.000 (aður kr. 112.000)



Borð kr. 39.000 (aður kr. 56.000)



Skápur kr. 100.000



Dúkarn 100-400 cm - 20-50% afsláttur



Postulinn 20% afsláttur



Skemmuvegur 6

# BROSDAGAR

20-50% afsláttur af

Borðum

Dúkum

Postulinstellum

## BORÐ FYRIR TVÖ



Einstakir hlutir fyrir einstök heimili



## Raunhæft að komast í úrslitabáttinn

**G**uðný og Íris skipa dúettinn GÍS. Þær tóku báðar þátt í Idolínu og voru leiddar saman af þriðju manneskjunnri sem taldi að þær myndu hljóma vel saman. Þær þekktust sem sagt ekkert áður en X Factorinn hófst en hittust tveimur dögum fyrir áheyrnarprufurnar og æfðu lagið Living on a prayer. Nú eru þær komnar í hópi þeirra fjögurra atriða sem eftir eru.

„Við förum ekki með geðveikar væntingar heldur frekar til að hafa gaman af því. Það tókst og hefur gengið framar öllum vonum,“ segja Guðný og Íris í samtali við Sirkus.

Þær segja lykिलinn að öllu saman vera þann að breyta ekki sjálfum sér.

„Við ákváðum strax frá fyrsta degi að vera við sjálfar. Við erum búnar að fara í gegnum alla þessa keppni sem við og höfum ekki breytt okkur neitt. Okkur fannst það mikilvægt því við við vorum báðar í Idolínu og settum þá á okkur grímu. Við reyndum þá að vera það sem við höldum að þjóðin myndi fíla, þessar sætu og prúðu stúlkur en það virkaði greinilega ekki. Nú erum við bara við og ef þjóðin fílar það ekki þá verður bara að hafa það,“ segja stelpurnar sem tóku strax þá ákvörðun að gera það sem þeim þætti skemmtilegt.

„Okkur finnst skemmtilegt að syngja hátt uppi og teljum okkur vera „rock chicks“. Við erum ekki miklir dansarar en reynum að vera með sönginn á hreinu. Okkur finnst skemmtilegra að syngja en dansa og það á ekki að fara á milli mála.“

GÍS-stelpurnar segjast hræðast Jógvan mest en þó séu kannski Hara í mestri samkeppni við



þær. „Það er búið að vera að bera okkur saman við þær en það eru algjör mistök. Það eina sem við eigum sameiginlegt er að við erum dúettar og við erum kvenkyns. Annað er það ekki. Þær dansa og hafa gaman en við syngjum og höfum gaman. Við vonum að fólk fari að sjá það,“ segja stelpurnar og hlæja.

Um möguleikana á sigri segja þær allt geta gerst. „Það snýst allt um kvöldið í kvöld. Það fær enginn neitt fyrir síðasta föstudag. Fyrir okkur er raunhæft að komast í úrslitabáttinn en markmiðið er að sigra. Við settum okkur fyrst það markmið að komast í Smáralindina. Þegar það náðist varð markmiðið að komast í eina utanlandsferð. Nú er það komið og þá er markmiðið að vinna keppnina. Það getur allt gerst. Það hefur sýnt sig í keppninni.“

## Er alltaf jafn hissa þegar ég kemst áfram

**G**uðbjörg er yngsti keppandinn sem eftir er en hún er aðeins sextán ára gömul. Guðbjörg hefur undanfarin ár lært klassískan söng og kemur því með annan bakgrunn inn í keppnina en aðrir. Hún segist hafa fundið það betur eftir að hafa tekið þátt í þessari keppni að hún á meira heima í klassíkinni heldur en poppinu.

„Ég er eiginlega komin með svolítið nóg af poppinu eftir að hafa sungið nú í hverri einustu viku og ég er viss um að ég á eftir að fara í klassíkina þegar þessi þáttur er búinn. Það er öruggt að það kemur ekki popplata frá mér á næstunni,“ segir Guðbjörg en neitar því þó ekki að poppið hafi sinn sjarma.

„Það er hægt að túlka popplögin meira því ég skil tilfinningarnar betur þar heldur en í þungum aríum en það er miklu meiri áskorun að taka aríurnar í Söngskólanum.“

Guðbjörg segist samt ekki vera orðin þreytt. „Þetta er auðvitað mikið álag og hefur aukist en þetta er alltaf jafn gaman. Það er kannski sérstaklega mikið álag núna því við munum flytja tvö lög í næsta þætti og höfðum einum degi minna til að undirbúa okkur.“

Aðspurð um væntingar segist Guðbjörg ekki hafa verið viss um að hún kæmist í gegnum prufurnar.

„Ég er eiginlega alltaf jafn hissa þegar ég kemst áfram í hverjum þætti.“

Guðbjörg segir að það sé ekki hægt að gera upp á milli þeirra sem eftir eru í keppninni. „Það eiga allir möguleika á því að vinna. Það er allir einstakir á sinn hátt og síðan skiptir dagsformið miklu máli.“



Guðbjörg segist hafa lært heimikið á þátttöku sinni í X Factor. „Ég veit núna hvað ég ræð við og hvað ekki. Ég held að það sé ekki spurning um að ég er miklu betri tónlistarmaður eftir þetta. Það er líka afar mikilvægt að fólk er farið að þekkja mig. Þannig er auðveldara að koma sér á framfæri og það mun hjálpa mér í framtíðinni sem tónlistarmaður. Það er ekki auðvelt að koma sér á framfæri og því er þetta frábært tækifæri. Síðan hef ég fengið mikla reynslu í keppninni við að koma fram. Ég var skithrædd að fara á svið fyrst en nú er þetta miklu minna mál. Það er gífurleg reynsla sem ég hef fengið í þessum þætti.“

# FJÓRIR EFTIR Í X FACTOR

Nú er spennan að magnast í X Factor-þáttunum. Aðeins fjögur atriði eru eftir. **sirkus** ræddi við Jógvan, Guðbjörgu og stelpurnar í Hara og GÍS um baráttuna sem fram undan er en þetta er í fyrsta sinn sem þau fá leyfi til að tala við prentmiðla frá því að keppnin hófst.

SIRKUSMYNDIR/VALLI

## Ég hræðist sjálfan mig

**F**æreyingurinn Jógvan Hansen hefur brætt hjörtu íslenskra kvenna og jafnvel karla líka með frammistöðu sinni og framkomu í X Factor-þáttunum. Það er þó ekki honum að þakka að hann er með í þessari keppni því hann ætlaði aldrei að skrá sig. Það voru systurnar Rakel og Hildur í Hara sem skráðu hann til leiks og sáu til þess að Íslendingar fóru ekki mis við „færeyska folann“ eins og hann er kallaður.

„Æ! Af hverju þarftu að spyrja að þessu,“ segir Jógvan þegar hann er innur eftir því hvort hann finni fyrir meiri áhuga kvenmanna í hans garð eftir að þættirnir byrjuðu. „Ég ætla ekki að svara þessu beint en vissulega eru það fleiri sem þekkja mig vegna þáttanna. Það hefur hins vegar engin áhrif á mig. Ég er bara ég og ég held að það sé málið. Að reyna ekki vera einhver annar en maður er og að vera með báða fætur á jörðinni,“ segir Jógvan.

Um vonir og væntingar segist Jógvan ekki einu sinni hafa ætlað að vera með en systurnar í Hara hafi skráð sig. „Það var mjög erfitt í byrjun að ímynda sér hvernig það yrði að standa á sviði fyrir framan íslensku þjóðina og syngja en auðvitað fór ég í keppnina til að vinna hana,“ segir Jógvan.

Hann var stjarna í Færeyjum þegar hann var yngri en Jógvan segist ekki í vafa um að þessi keppni hafi gert hann að mun betri söngvara. „Ég er afar þakklátur fyrir að hafa notið leiðsagnar manneskju eins og Kristjönu sem hefur kennt mér gífurlega mikið. Auk þess hafa Einar Bárðar og Yasmine hjálpað mér mikið.“

Eins og áður sagði ætlar Jógvan sér að vinna keppnina en hvaða andstæðinga skyldi hann óttast mest. „Ég hræðist sjálfan mig. Ég er ekki að keppa heldur er ég að syngja. Ég hugsa eingöngu um sjálfan mig og reyni að sleppa við að hugsa um eitthvað sem ég á ekki að vera að hugsa um. Ég ræð yfir mínum örlogum og hugsa því fyrst og fremst um mig. Hinir



keppendurnir eru vinir mínir en ég hugsa ekkert um hvað þau eru að gera meðan á keppninni stendur,“ segir Jógvan.

Framtíðin er óráðin hjá Jógvan enda mega keppendur í X Factor ekki skuldbinda sig í nein verkefni fyrr en þættinum lýkur. „Ef ég vinn þá fæ ég plötusamning en annars vona ég bara að ég eigi eftir að geta unnið við tónlist. Það er draumurinn.“

## Vilja komast í úrslit með Jógvan

**S**ysturnar Rakel og Hildur mynda dúettinn Hara sem vakið hefur athygli fyrir frábæra sviðsframkomu í þáttunum. Sex ára aldursmunur er á systrunum, Rakel verður 29 ára í október en Hildur er 23 ára. Þær segjast hafa verið tilneyddar til að reyna fyrir sér á öðrum vögstöðum en í Hveragerði þar sem fólk í bænum var búið að fá nóg af þeim.

„Við vorum eiginlega heimsfrægar í Hveragerði,“ segja þær og hlæja. „Það var ekki haldin skemmtun öðruvísi en að við mættum og tókum lagið. Það voru allir komnir með ógeð á okkur í Hveragerði þannig að við ákváðum að reyna eitthvað annað.“

Aðspurðar um vonir og væntingar í áheyrnarprófinu á Nordica segjast þær hafa rennt blint í sjóinn. „Við vissum ekki við hvað vorum að fara að keppa en vorum alveg sannfærðar um að við hefðum eitthvað fram að færa í þessa keppni. Við heyrðum ekki í neinum en fengum þó að vita frá Einari Bárðar að við værum í hópi fjögurra bestu í prufunum. Þar sem við vorum seint í röðinni þá gaf það okkur byr undir báða vængi,“ segja systurnar.

Það hefur oft verið sagt að systur eigi ekki auðvelt með að vinna saman en Rakel og Hildur segja samstarfið hafa gengið frábærlega vel. „Við erum rosalega ólíkar. Ég er kannski aðeins meira til baka og ætli það verði ekki að viðurkennast að Rakel á yfirleitt síðasta orðið,“ segir Hildur. „Jú, það er rétt. Ég leyfi henni að segja það sem henni finnst og síðan ákveð ég þetta,“ segir Rakel og skellið. „En svona grínlaust þá erum við afar samrýmdar og




getum rætt málin og komist að niðurstöðu. Síðan erum við báðar máttulega kærulausar og tókum okkur ekki of hátiðlega. Annars værum við sennilega löngu dottnar út úr þessari keppni,“ segir Rakel.

Þótt þær systur segjast gjarnan vilja vinna keppnina þá segja þær mikilvægast að komast í úrslitabáttinn. „Við viljum vera þar og hafa Jógvan með okkur. Við skráðum hann í keppnina og færðum íslensku þjóðinni færeyska folann,“ segja þær og skellið. „Það skiptir ekki máli hver vinnur úr þessu. Við erum öll sigurveggar,“ segir Rakel.

Þegar talið berst að framtíðinni má ljóst vera að íslenska þjóðin fær að heyra meira frá Hara eftir að X Factor lýkur. „Við trúum því að eitthvað gerist eftir keppnina. Við megum ekki ræða eitt né neitt núna en þessi þáttur hefur þegar breytt lífi okkar. Vonandi getum við unnið við tónlist á næstu árum. Það er það sem við stefnum að,“ segja systurnar úr Hveragerði.





**70% útskrifaðra nemenda Háskólans á Bifröst eru komnir í stjórnunarstarf innan 5 ára að námi loknu.**

**Háskólinn á Bifröst er eini „campus“-skólinn í félagsvísindum á Íslandi.**

**Nemendur vinna raunhæf verkefni í gegnum allt námið.**

**Nær helmingur nemenda dvelur eitt misseri erlendis t.d. í Kína.**

**Háskólinn á Bifröst býður upp á mjög öflugt fjarnám.**

**Minnum á að við erum þegar farin að taka á móti umsóknum í allar deildir skólans. Því fyrr sem þú sækir um, því meiri möguleika áttu á námsvist. Umsóknareyðublöð eru á heimasíðu skólans, [www.bifrost.is](http://www.bifrost.is)**

### **Lagadeild**

Í lagadeild er boðið upp á viðskiptalögfræði sem samsett er úr greinum lögfræði, fjármála og viðskipta. Námið er afar hagnýtt og getur verið góður undirbúningur fyrir atvinnulífið eða frekara nám. Nemendur útskrifast með BS gráðu í viðskiptalögfræði.

### **Viðskiptadeild**

Alhliða viðskiptanám sem ætlað er að búa nemendur undir ábyrgðar-, forystu- og stjórnunarstörf í innlendu og alþjóðlegu samkeppnisumhverfi. Í BS námi í viðskiptafræði eru kennd öll helstu svið stjórnunar, rekstrar og viðskipta.

### **Félagsvísindadeild**

Deildin býður upp á grunnnám til BA í HHS (heimspeki, hagfræði og stjórnmálafræði). Grunnnám í HHS er traustur undirbúningur fyrir hvers kyns framhaldsnám á sviði hug- og félagsvísinda, til meistara- eða doktorsgráðu og fyrir störf á alþjóðlegum vinnumarkaði.

Frekari upplýsingar:

[www.bifrost.is](http://www.bifrost.is)

311 Borgarnes | Sími 433 3000



**HÁSKÓLINN Á BIFRÖST**  
BIFRÖST UNIVERSITY





FYRIR Anita Kristín var 156 kg áður en hún fór í aðgerðina.

# MAGAMINNKUN & 100 KG FUKU

Una Nikulásdóttir og Anita Kristín Jónsdóttir höfðu reynt allt í baráttu sinni við offituna. Stelpurnar kynntust á Reykjalundi eftir að hafa farið í magaminnkunaraðgerð. Í dag eru þær alsælar og hafa misst yfir 100 kg samtals.

**É**g hafði alltaf verið feit en eftir að ég eignaðist stelpuna mína þegar ég var 17 ára missti ég öll tók,“ segir Una Nikulásdóttir, 21 árs nemi, sem fór í magaminnkunaraðgerð í maí í fyrra. Á Reykjalundi kynntist Una Anítu Kristínu Jónsdóttur sem fór í aðgerðina í desember á síðasta ári og hefur myndast venskapur milli þeirra enda gott að geta rætt málin við þá sem þau þekkja.

## 67 kg farin

Á því tæpa ári sem liðið hefur síðan Una lagðist undir hnífinn hefur hún lést um 51,5 kg en í heildina hefur hún lést um 67 kg frá því hún var sem feitust. Aníta hefur misst 20 kg á þeim tæpum þremur mánuðum sem liðin eru frá aðgerðinni og er alsæl með árangurinn. „Ég lenti í slæmu hjónabandi og át mér til huggunar,“ útskýrir Aníta sem er að verða 26 ára og á einn strák á níunda ári. Hún var 156 kg þegar hún var sem þyngst en er í dag 121 kg og er staðráðin í að komast í kjörþyngd.

## Aðgerðin er þrautalending

Stelpurnar eru sammála um að ákvörðunin um að fara í aðgerðina hafi ekki verið erfið. Læknarnir sem framkvæmi aðgerðina hér á landi séu á heimsælikvarða svo þær hafi aldrei óttast um líf sitt. Hins vegar hafi þær staðið frammi fyrir heilsuleysi vegna offitu en vissu að mögulega gætu þær endurheimt heilsuna með aðgerðinni. „Ég hafði prófað allt enda er þessi aðgerð þrautalending,“ segir Una og bætir við að hún hafi náð góðum árangri af og til en kílóin hafi alltaf komið aftur. Aníta tekur í sama streng og segist

alltaf hafa gefist upp á öllum megrunarkúrum.

## Engin skyndilausn

„Þessi aðgerð gefur manni ákveðið forskot. Ef maður gerir þetta rétt missir maður kílóin hratt og þá er auðveldara að halda áfram,“ segir Aníta og vinkonurnar ítreka að um skyndilausn sé ekki að ræða. „Við verðum að passa okkur því það er auðveldlega hægt að fitna aftur. Ég spái vandlega í allt sem ég set ofan í mig og reikna matinn í stigum. Ég hélt að þetta yrði mikið mál en þetta komst fljótt í vana,“ segir Una og Aníta tekur undir. „Þótt skorin séu í burtu 90% af maganum getur hann orðið jafn stór innan tveggja ára. Ég passa mig mjög vel og keypti mér til dæmis barnadiska því þessir venjulegu matardiskar eru alltof stórir. Ég hef hvorki smakkað gos né skyndibita og sakna þess ekkert,“ segir Aníta brosandí og þær bæta báðar við að þær hreyfi sig einnig reglulega.

## Erfitt að taka hrósi

Fyrir utan að hafa endurheimt heilsuna og geta nú keypt sér fót í tiskverslunum segjast stelpurnar finna verulegan mun á sér andlega. Aníta þjáðist af þunglyndi fyrir aðgerðina og hún segir að sér líði betur með hverjum deginum. „Daglegir hlutir verða miklu auðveldari og bara það að troða sér á milli borðs og stóls eða komast áfram í margmenni er ekki lengur erfitt eða neyðarlegt,“ segir Una og bætir við að hún finni mikinn mun á því hvernig samfélagið taki við henni grannri en þegar hún var feit. „Fólk glápir ekki eins mikið á mig í dag en ég finn hvað ég á erfitt með



Una hefur lést um 67 kg frá því hún var sem feitust.

SÁTTAR MEÐ ÁRANGURINN Una og Aníta eru alsælar með ákvörðun sína um að gangast undir magaminnkunaraðgerð.

að taka hrósi. Um daginn vatt ókunnug kona sér að mér og hrósaði mér og sagði að ég liti vel út. Ég tók því sem kaldhæðni til að byrja með en svo gerði ég mér grein fyrir að hún væri að meina þetta og þakkaði fyrir.“ Aníta segist aldrei hafa fundið fyrir fordómum í sinn garð þótt hún hafi verið feit. „Hins vegar fær maður alls staðar hrós í dag sem er alveg yndislegt. Núna hugsa ég mun meira um útlitið og

verð að passa mig að verða ekki algjört fatafrík. Það þýðir ekki að kaupa sér mikið af fötum núna þegar maður er enn að léttast því þau verða all of stór eftir skamma stund.“ Una tekur undir þetta. „Litli bróðir minn mun ferkast bráðlega og ég er strax búin að ákveða í hverju ég ætla að vera og hlakka mikið til. Áður var ég alltaf í sömu sparifötunum og allir í fjölskyldunni höfðu séð mig í þeim.“

## Mæla með aðgerðinni

Stelpurnar mæla báðar með magaminnkunaraðgerðinni fyrir þá sem reynt hafa allt í baráttunni við offituna. Þær vilja einnig koma þakklæti sínu á framfæri til læknanna sem framkvæmdu aðgerðina sem þær segja frábæra. „Læknarnir og allt starfsfólk sjúkrahússins stóðu sig frábærlega og gerðu allt fyrir mann svo við viljum nota tækifærið og þakka þeim fyrir.“

indiana@frettabladid.is



# flottir svefn- sófar




Split back svefnsófi 115x200  
kr. 73.500



Sly Svefnsófi  
140x200  
kr. 87.500



Super Soft svefnsófi  
140x200  
kr. 88.600



Skull Svefnsófi  
120x200  
kr. 69.800

# LÍNAN

H Ú S G Ö G N

SUÐURLANDSBRAUT 22  
SÍMI 553 7100 • [www.linan.is](http://www.linan.is)



# Hollywood Hanna

## Skemmtilegt par

Leikstjórinn Spike Jonze datt heldur betur í lukkupottinn þegar hann hnepti í hina sykursætu krúsíðullu Drew Barrymore. Spike Jonze er einna þekktastur fyrir leikstjórn á myndböndum og einnig kvikmyndinni Being John Malkovich. Spike var giftur leikstjóranum Sopi Coppola í fjögur ár. Drew er tiltölulega nýhætt með unnusta sínum til margra ára, Fabrizio Moretti, og er ekki annað hægt að segja en að Spike og Drew séu svolítið skemmtilegt par. Nöfnin eru að minnsta kosti skemmtileg.



KYSS, KYSS Spike Jonze og Drew Barrymore saman á veitingastað í Hollywood.



FRÆGUR RASS Afturendi Jessicu Biel er orðin frægari en rassinn á J-Lo.

## Heit og heitari

Vá, ef Ryan Reynolds og Jessica Biel byrja saman verða þau án efa heitasta par sem sést hefur lengi í Hollywood. Þau eru bæði með rosalega líkama og falleg andlit. Ú, þau verða bara að byrja saman. Fullkomið par í alla staði.



Á DEITI Jessica Biel og Ryan Reynolds spjalla saman. Ryan var lengi vel með Alanis Morissette.



SMAKKAÐU MÍNA Rachel Bilson gefur Hayden Christensen að smakka á pönnukökunni sinni.

## Borðuðu pönnukökur

Litla sæta Rachel Bilson deildi pönnukökum með Star Wars-töffaranum Hayden Christensen, en þau kynntust við gerð myndarinnar Jumper. Það fór vel á með þeim þegar skótuhiúin gæddu sér á hádegismat ekki fyrir löngu síðan. Daginn eftir fóru þau saman í innkaupaferð. Úlala.




SCARLETT JOHANSON Valin kynþokkafyllsta kona af mörgum tímaritum síðastliðið ár. Við skiljum alveg af hverju.



HALLE BERRY Alltaf gullfalleg.

# FLOTTAR SKORUR Í HOLLYWOOD

Það er frískandi að sjá leikkonur í Hollywood sem fagna því að vera kvenlegar því allt of margar eru súper grannar. Sirkus tók saman nokkrar fagrar meyjar sem sýna okkur brjóstaskoruna með miklu stolti.



PENELOPE CRUZ Hvílikur kroppur.



KATHERINE HEIGL Grey's Anatomy-skvísan er með flottan barm.



JENNIFER HUDSON Skærasta stjarnan í Hollywood er alvöru kona.



SALMA HAYEK Vavavúmm. Hvað annað er hægt að segja um þessa tilvöndandi móður?

Þegar góða veislu gjöra skal...

Veislukaflit frá Te & Kaffe er kunnit í verslunir.



# Láttu drauminn rætast

frábær fermingartilboð á  
rúmum & svefnsófum



[www.toscana.is](http://www.toscana.is)



Opið virka daga 10 til 18  
laugadaga 11 til 16

HÚSGAGNAVERSLUN  
**TOSCANA**  
SMÍÐJUVEGI 2, KOP S: 587 6090

HÚSGÖGNIN FÁST EINNIG / HÚSGAGNAVAL, HÖFN S: 478 2535



# helgin

## Við mælum með



„Ég get eindregið mælt með Killer Joe í Borgarleikhúsinu. Rosalega vel leikið og frábær skemmtun. Passar fyrir alla sem hafa gaman af lífinu og dauðanum. Fullkomið fyrir fyrsta stefnumót til dæmis, eða síðasta!“

**Stefán Svan stílisti**

„Laddi 6-tugur býður upp á kvöldstund, þar sem hláturtaugarnar eru kittlaðar. Það er líka einstök tilfinning að finna fyrir kærleik áhorfenda til þessa elskaða listamanns. Ást og gleði í einum pakka – það hlýtur að lengja lífið og gera okkur að betri samferðamönnum.“

**Marianna Friðjónsdóttir kvikmyndaframleiðandi**



„Sýning Íslenska dansflokksins er kraftmikil listtjáning. Mjög flott og áhrifaríkt. Geðveikir dansarar í súperformi. Fær mann til að drullast í ræktina. Ég mæli líka með reykleysi á veitingahúsum og skemmtistöðum! Það verður yndislegt þegar reykbandið skellur á. Sé fyrir mér sæludaga á menningarröðinni eftir miðnætti í framtíðinni. Come on! Reykingar eru bara alveg úti!“

**Selma Ragnarsdóttir klæðskeri**

„Ég mæli sannarlega með James Morrison og disknum hans Undiscovered. Nýi endurhljóðblandaði Bítadiskurinn er frábær og svo skil ég ekki af hverju það eru enn til miðar á Cliff Richard, þar er stórvíðburður sem enginn ætti að missa af.“



**Bragi Guðmundsson útvarpsmaður**

## sirkus

Útgáfufélag 365 prentmiðlar  
 Útgefandi Helgi Hermannsson, ábm.  
 Ritstjórn Óskar Hrafn Þorvaldsson  
 oskar@frettabladid.is,  
 Indiana Ása Hreinsdóttir, indiana@frettabladid.is  
 Útliðshönnun Kristín Agnarsdóttir kristina@frettabladid.is,  
 Sirkusblaðið Skafthlíð 24  
 105 Rvk, sími 550 5000  
 Sölustjóri Gréta Karen Grétarsdóttir  
 550 5864 gretakaren@frett.is

## Hvað á að gera um helgina?

„Fyrri hluti helgarinnar verður bara rólegur, föstudagskvöld er fastur fjölskyldu tími og þá verður eitthvað skemmtilegt gert. Á sunnudaginn ætlum við konan að skella okkur eitthvað gott út að borða og í bíó eða leikhús þannig að þetta verður róleg en skemmtileg helgi.“

**Sævar Pétursson Baðhúsinu**



„Ég fer á árshátíð Efnafraeðifélags Íslands á föstudagskvöldið. Á laugardagskvöldið verður pitsugerðarkeppni hjá líkamræktarhópnum mínum og einnig er búið að bjóða mér í tvö afmæli; ætla að reyna að reka inn nefið í annað þeirra. Annars verð ég að vinna um helgina en ætli ég reyni ekki að komast á hestbak milli vaktar.“

**Soffía Sveinsdóttir veðurfréttakona**



„Ég er spila alla helgina með Gunna Óla, á fimmtudaginn erum við á Hverfisbarnum, á föstudaginn erum við á Café Viktor og á laugardaginn erum við að spila á árshátíð þannig að það er mikið að gera í vinnunni og lítil tími fyrir annað. Annars ætla ég að nýta allan aukatíma með fjölskyldunni og fara á hestbak.“

**Sigurjón Brink tónlistarmaður**



„Helgin er nokkuð laus í reipunum og líklega fyrsta helgi ársins sem ekki er plönuð. Ég býst við að nota föstudagskvöldið til að slaka á eftir annasama viku. Ég á nokkrar kaffihúsaferðir inni með vinkonunum og vonast til að þær geti hitt mig á laugardegnum á Sólon eða Thorvaldsen. Um kvöldið vonast ég svo til að mér verði boðið í mat en það er ekkert ákveðið.“

**Gunnhildur Arna Gunnarsdóttir blaðamaður**



# SPURNINGAKEPPNI sirkus



**1. Hvaða samtök standa fyrir styrktartónleikum á Nasa 1. apríl þar sem Björk mun meðal annars koma fram?**

**2. Hver er fyrrverandi eiginkona leikarans Ryan Phillippe?**

**3. Hvað heita hóparnir tveir sem enn keppa í X-factor?**

**4. Hver er fegurðardrottning Íslands?**

**5. Hver er besta höndin í Texas Holdem póker?**

**6. Hver er ritstjóri DV?**

**7. Hver leikur aðalhlutverkið í kvikmyndinni The Last King of Scotland?**

**8. Hvað heitir þverpólítíski hópurinn sem andsnúinn er stækkunaráformum álversins í Straumsvík?**

**9. Í hvaða stjórnumerki er sá sem á afmæli 30. október?**

**10. Hver stjórnar þættinum Fyrstu skrefin sem sýndur er á Skjá einum?**



## Þóra Sigurðardóttir

- Forma.
- Reese Witherspoon.
- Gís og Hara.
- Veit það ekki.
- Tveir ásar.
- Veit ekki.
- Forest Whitaker.
- Veit ekki.
- Sporðreki.
- Sigurlaug M. Jónasdóttir.

Þóra sigrar Jónsa með sex stigum á móti fimm. Jónsi skorar á Svöfu Grönfeldt, rektor Háskólans í Reykjavík.

**Rett svör:** 1. Forma, samtök átröskunarsjúklinga. 2. Reese Witherspoon. 3. Gís og Hara. 4. Veit það ekki. 5. Fullt hús. 6. Hann var á Bláinu. 7. Forest Whitaker. 8. Sól í straumi. 9. Bogamanninum. 10. Guðrún Gunnarsdóttir.

# ALLIR EIGA MÖGULEIKA Á BATA

Að okkar mati eiga allir átröskunarsjúklingar möguleika á bata,“ segir Alma Dröfn Geirdal, framkvæmdastjóri Forma, samtaka átröskunarsjúklinga en eins og fram hefur komið halda samtökin styrktartónleika á Nasa 1. apríl. Alma segir aðrei of seint að grípa inn í þegar átröskun er annars vegar. „Líkurnar á bata eru persónubundnar en fólk má aldrei hugsa sem svo að það sé of seint að gera eitthvað í málinum. Baráttuviljinn er þó mismunandi og það er misjafnt hvar fólk er stött í sjúkdómnum. Flestir ná bata en samkvæmt erlendum tölum jafnar einn fjórði hluti sig aldrei,“ segir Alma og bætir við að það séu til afar takmarkaðar rannsóknir á sjúkdómnum hér á landi. „Ef við miðum við tölur frá árinu 2002 þá eru um það bil sex þúsund einstaklingar sem hafa verið greindir. Við fáum til okkar tvö til sex ný tilvik í hverri viku, á geðdeild leita um það bil fimm einstaklingar á viku sem eru

eldri en 18 ára og þegar Rauði krossinn var með átaksviku fékk hann eitt símtal á viku svo það er greinileg fjölgun.“  
 Alma segist þakklát fyrir góðar undirtektir í umræðunni sem hefur orðið um sjúkdóminn í kjölfar tónleikanna. „Ástæðan fyrir tónleikunum er sú að geta að halda samtökunum á lífi og til að berjast fyrir meðferðarheimilum auk þess sem við viljum koma upp á yfirborðið hver stefna yfirvalda er í þessum málaflökki,“ segir Alma og bætir við að það fari hver að verða síðastur að tryggja sér miða. „Það er ekki orðið uppselt en það stefnir allt í það enda frábært tónlistarfólk sem ætlar að koma fram.“  
 indiana@frettabladid.is

**FORMA Alma Dröfn Geirdal og Edda Ýrr Einarsdóttir stofnuðu Forma og halda núna tónleika svo þær geti haldið samtökunum gangandi.**





# Láttu Netbankann koma þér á óvart!

## HELMINGI LÆGRI YFIRDRÁTTARVEXTIR



Hjá Netbankanum færðu helmingi lægri yfirdráttarvexti fyrstu 6 mánuðina og betri vexti eftir það. Þú færð einnig ýmsa fría þjónustupætti þegar þú kemur í viðskipti við Netbankann.

### Fáðu tilboð í bankaviðskipti!

Tilboðið er án skuldbindinga og þér að kostnaðarlausu.

### Þú gætir dottið í lukkupottinn

Allir nýir viðskiptavinir Netbankans eiga kost á því að vinna glæsilegan ferðavinning. Þeir sem stofna Vildarkort VISA og Icelandair geta unnið 100 þúsund Vildarpunkta og þeir sem stofna MasterCard-kreditkort geta unnið 50 þúsund króna ferðaávísun. **Dregið verður þann 16. maí 2007.**

Sæktu um á nb.is eða hringdu í þjónustufulltrúa í síma 550 1800



**VERTU MIND...  
VERTU DUNDUR!**



HAUAVARNA / SIA / 8971

